

Bosna i Hercegovina
Federacija Bosne i Hercegovine
Tuzlanski kanton
JU Služba za zapošljavanje Tuzlanskog kantona
Tuzla

Broj: 01-11-4-84-10/24
Datum, 14.03.2024 godine

Na osnovu člana 70. stav (1), (3) i (6) i člana 64. stav (1) tačka b), a u vezi sa članom 21. stav (1) tačka c) Zakona o javnim nabavkama („Službeni glasnik BiH“, broj: 39/14 i broj: 59/22), preporuke Komisije utvrđene u Zapisniku u pregledu i ocjeni konačne ponude, broj: 01-11-4-84-9/24 od 12.03.2024. godine, člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21 od 10.06.2021. godine i broj: 01/1-04-1-429-9-3/22 od 19.07.2022. godine, u postupku javne nabavke usluge održavanja poslovnog softvera za e-arhivu, direktor donosi:

O D L U K U
o izboru najpovoljnijeg ponuđača

Član 1.

Ugovor za nabavku usluga održavanja poslovnog softvera za e-arhivu u vrijednosti od 5.640,00 KM bez uračunatog PDV-a, dodjeljuje se ponuđaču Mikrocop BH doo Sarajevo, na osnovu provedenih pregovora te dostavljanja prihvatljive konačne ponude.

Član 2.

Sa izabranim ponuđačem, zaključit će se ugovor o nabavci predmetne usluge navedene u članu 1. ove Odluke.

Član 3.

Ova Odluka objavit će se na web stranici JU Služba za zapošljavanje Tuzlanskog kantona – www.szztk.ba, istovremeno s upućivanjem ponuđaču koji je učestvovao u postupku javne nabavke.

O b r a z l o ž e n j e

Odlukom broj: 01-11-4-84/24 od 31.01.2024. godine, pokrenut je pregovarački postupak bez objave obavještenja za nabavku usluge održavanja poslovnog softvera za e-arhivu, a Informacija o provođenju pregovaračkog postupka bez objave obavještenja, zajedno sa Tenderskom dokumentacijom i Pozivom za učešće, objavljena na portalu ejn.gov.ba. Obavijest je poslata ponuđaču koji ima ekskluzivno pravo na softver ugrađen kod Ugovornog organa.

Proceduru otvaranja i pregleda inicijalnog zahtjeva za učešće, početne ponude, pregovore, ali i pregled i ocjenu konačne ponude, obavila je Komisija za javne nabavke, imenovana Rješenjem direktora broj: 01-30-1-11/24 od 09.01.2024. godine.

Nakon što je provedena I faza (ocjena kvalifikovanosti ponuđača) te druga faza (dostavljanje početne ponude), pristupilo se realizaciji III faze, a to je pregled i ocjena konačne ponude.

U postupku javne nabavke utvrđeno je sljedeće:

- da je ukupan broj pristiglih konačnih ponuda 1 (jedna);
- da je blagovremeno zaprimljeno 1 (jedna) konačna ponuda;
- da nije bilo neblagovremenih ponuda;

- da nije bilo neprihvatljivih ponuda.

Na osnovu člana 21. stav (1) tačka c) Zakona o javnim nabavkama („Službeni glasnik BiH“, broj: 39/14 i broj: 59/22), konačnu ponudu u predmetnoj nabavci dostavio je ponuđač Mikrocop BH doo Sarajevo, sa ukupnom cijenom od 5.640,00 KM bez PDV-a.

U skladu sa navedenim članom, Mikrocop BH doo Sarajevo ispunjava sve potrebne uslove da bi se sa istim zaključio Ugovor, obzirom da ima ekskluzivno pravo na softver koji je u upotrebi kod Ugovornog organa.

Cijena navedene ponude je dostavljena u skladu sa dogovorenim na pregovorima.

Naprijed navedeno je konstatovano u Zapisniku o pregledu i ocjeni konačne ponude, kao i Izvještaju o radu Komisije, koji su dostavljeni direktoru na razmatranje i odlučivanje.

U postupku donošenja ove Odluke direktor je utvrdio da je Komisija pravilno i potpuno izvršila ocjenu kvalifikovanosti ponuđača te ocjenu pristiglih ponuda, u skladu sa kriterijima iz tenderske dokumentacije.

U postupku ocjene provedenog postupka, direktor nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije imenovane u predmetnom postupku javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, putem Ugovornog organa, najkasnije u roku od 10 (deset) dana od dana prijema ove Odluke.

Žalba se podnosi u dovoljnom broju primjeraka, a koji ne može biti manji od tri.

Naknada za žalbu je propisana članom 108. Zakona o javnim nabavkama.


Dostaviti

- ① Mikrocop BH doo Sarajevo
2. Odjeljenje za pravne i opće poslove
3. Sektor za finansije i računovodstvo
4. a/a

Pripremio:

Amir Kudumović

Stručni savjetnik za pravne i kadroveske poslove



DIREKTOR

Miralem Softić, dipl.oec.

